

FLANDRIA IMPERIALIS,

Et

PROPRIETARIA.



*Flandria
partes tres;
Francica,
Proprieta-
ria,
Imperialis.*

Ivsa fuit olim Flan-
dria ratione Domi-
nii in eam partem
quæ Francorum erat,
in Imperialem; quæ
Cæsaribus obstrin-
gebatur, & deni-
que in Proprietariam,
quæ præter Flandriæ
Principem non ag-
noscebat. Quæ Francorum erat, in Teutoni-
cam, quam absolute Flandriam vocant, & Gal-
licam, quam Gallo-Flandriam appellamus, Li-
za fluviio, & idiomate sejungitur, Comitatus
titulo gaudens. Proprietaria, nec Gallorum
Regi, nec Cæsari fidem jurabat, sed Flandriæ
Principi: continetque *Dendermundam*, *Gheersber-*
gam, *Bornhemam*, cum illarum agris. Imperialis
verò Flandria Alostanos, Wasios, cum quatuor
Ambactis Transcaldiaque complectitur, quam
vulgo *Dominatum* vocant; tum quod antiquitus
distinctis dominis, ut Wasia Hollandis, Alosta-
na privatim suis Comitibus parebant, quatuor
Ambacta Ultrajectino Præsuli, si vera sunt il-
lius sedis archiva, beneficium debebant: tum
quod supremæ cognitionis auctoritate, mero
in omnibus imperio Flandriæ Comites ibi pol-
lerent, unde Ludovicus Malensis Flandriæ Co-
mitem Dominumque sese inscribebat. Impe-
rialis dicitur, eo quod supremam olim agnove-
rit Imperatorum potestatem. Regio est exigua
satis, Scaldi & Tenera fluviis clausa, Braban-
tiæque Ducatui confinalis. Audiebat hæc olim
Bracantum, à Bracanto arce, diruta à Comite
Balduino Pio. Hodie dicitur Comitatus Alosta-
nus, ab urbe Alosto, ditionis metropoli. Alo-
stum vernacule & per contractionem *Aelst* vo-
catur, forte ob hanc causam, quod in orientali
Flandria sita sit urbs, quasi *Al-ooft*. Condita per-
hibetur à Gothis, eo præsertim loco, ubi nunc
mons Placentiæ, pone templum xenodochium-
que, anno 489, ea tempestate, qua Vandali,
Gothi, Alemanni, aliæque feræ nationes, terras
Pyraeo, Oceano, Rhenoque tenuis rapinis in-
undarunt. Derivatam hunc Comitatum qui-
dam existimant, ex Comitibus *Castelli novi Gan-*
densis, ab Otthone primo Cæsare, anno 948
ædificati, cui deinde à Gandavo cognomen fuit.
Nam illius arcis Otthonianæ præsidibus terra
Brachantia, quæ post Alostana audiit, cum
quatuor Ambactis assignabatur, ut stipendia
alimoniamque præsidariis militibus illinc pro-
viderent; quam auctoritatem in Dominatum
verterunt Cæsaris beneficio Alostani Comi-
tes. Decoratur Alostum Burggraviatu, Tenera

fluviio, monetæ olim cudendæ officinis, per
Guydum Comitem Gandavum translatis: lu-
puli mercatu celebri: aulæorum artificiosa tex-
trina: nundinis mense Octobri annuis: Colle-
gio Canonorum D. Gaugerici, ex Haltro,
pago vicino, huc transducto: cœnobiis Guliel-
mico & Carmelitico virilibus, finitimaque Ab-
batia Rostenia Bernardina fœminea, fundata
anno 1228. Cives hic fruuntur iisdem, quibus
quatuor membra, privilegiis, & permittuntur
alterius territorii corpus amplecti absque bo-
norum suorum decumatione. Obsessa à Gan-
densibus adversus Principem suum insurgenti-
bus, obsidionem fortiter repulit anno 1453.
quo facinore, cladem, quam antea ab iisdem
passa fuerat 1380, egregie vindicavit. Illustri-
bus Maximiliani Austrii Regis Romanorum
Belgiique Legatorum comitiis anno 1483 fre-
quentabatur, ubi Margarita ejus filia Carolo
octavo Galliarum Regi desponsata fuit, atque missa,
non tam ex patris, quam Gandensium arbitrio.
Distat Alostum Gandavo quinque, Bruxella
quatuor, Mechlinia sex milliaribus. Ager Alo-
stani optimi frumenti ferax est, præsertim se-
caliceis. Scaldim Teneramque, velut mesopo-
tania & interamnis, interjacet, & ad Gan-
davi, Aldenardæ, Dendremundæ ab Oriente
portas extensus, latiusque Scaldis dextrum le-
gens, ad montem Trinitatis, Turnaco vici-
num, porrigitur: ac Brabantiam versus quin-
gentis & ultra passibus jurisdictionis suæ limites
expandit. Summum Prætorem habet à Prin-
cipe impositum, cui quinque Bailivi, ceu Rei-
pub. gerundæ præfides, assident in urbe Alo-
sti. Pagos centum & duos illi ascribit vulgaris
calculus, in quibus sunt *Steenhusa* gentis Gru-
thusæ principatus titulo potius, exulumque
asilo, quam opibus clara: *Liedekerca*, gentis
Hennartæ vetusta ad Tenaram arce nobilis:
Lombeca Burggraviatu insignita: *Resseghemium*,
& *Massema*, *Herpa*, *Wiesla*, *Dionysii Boucla*, *Hundel-*
gemum. At illo, quem diximus, pagorum nu-
mero continentur hæ quinque Baroniarum prima-
riæ: *Roda*, septendecim pagos includens, *Boulo-*
ra sedecim, *Gavera* undecim, *Zottingema* decem,
Schorissa septem. In pagi Zottingemi templo se-
pultus est Lamorallus Egmondanus, nobilita-
te, forma regia, victoriisque de Gallo partis, &
Flandriæ gubernatione magis, quam vitæ exitu
floquentissimus.

Continetur hoc Comitatu *Nienovia*. Liber *Nienovia*.
censualis Flandriæ *Nienoven*, vulgus *Nienhoven*,
quasi Nienevæ villam nuncupat. Exiguum est
oppidum, Alosto distans milliaribus duobus,
distinctaque ab eo jurisdictione conspicuum.

A a

Commen-

*Cur domi-
natus di-
catur.*

*Cur Impe-
rialis olim.
Termini.
Cur Bra-
cantum Alo-
stani.*

*Ager Alo-
stani.*

Pagi.

his lau-

Belgica.